

## HERRI KIROLAK



Sokatira saioa.

## Herri kirol konpromezu ugari hurrengo egunetan Nafarroan

IRUÑEA

Nafarroako bigarren mailako lehenengo aizkolari txapelketarako kanporaketak Irurtzunen egingo dira igandean. Eguerdiko ordubatean hasiko den proba horretan, datorren 15ean Doneztebeko finalean neuruko diren bost aizkolarien izenak ezagutuko dira. Halaber, igandean bukatzen da arpanlari txapelketarako izenemate epea. Txapelketa hori ere Donezteben izango da egun berean.

Herri kirolak gozatzeko beste aukera Iruñean azaroaren 22an izango da seguruenik. Labrit pilotalekuan eta lehenengo aldiz Nafarroan, herrialde honetako gudi, ingude eta harrijasotze txapelketak iragarri dira. Saio hori Nafarroako Herri Kirolen Federazioak antolatzen duen munduko eta Nafarroako errekorren jaialdiaren barne gauzatuko da.

Bestalde, gaztedia eta emakumeen artean konbinatua eta sokatira modalitateak bizkortzeko asmoz, Elizondoren emakume eta 20 urtetik azpiko mutil txapelketa azaroaren 24ean izango da. Froga konbinatuak, bai mutil eta nesken artean, hurrengo atalak izango ditu: kozkorak, txingak, zakuak, korrikalariak eta arpanlariak. Sokatira probei dagokienez, 580 kilo 20 urtetik beherakoentzat eta 500eko emakumeentzat antolatuko dira. Zehaztasun gehiago nahi izanez gero, dei 450900 telefonora. Apuntatzeko epea igandean amaitzen da.

**SUNBILLA** Joan den igandean  
**NAGUSI** Beran ospatutako  
**SOKATIRAN** 680 kiloko sokatira frogan Sunbilako taldea suertatu zen garaile. Sunbilak aurreko Nafarroan egindako txapelketa guztiak irabazi ditu. Garaipen horiek balio berezia dute kontutan hartzen badugu azkenengo bi urtetan 17 talde berri sortu direla Nafarroan, eta federazioaren esanetan, partehartzaile guztiak oso maila altua erakutsi dutela.

Sokatirak ezezik beste zenbait herri kirol modalitatek ere izaten ari duten onarpena nabarmena dela eta, Nafarroako Herri Kirol Federazioak bere ekintzen hedakuntzarako kanpaina jarri behar du martxan. Abendu eta urtarrilaren interesaturik dauden udal, talde eta elkarteetan herri kirolari buruzko hitzaldi eta proiektuak antolatuko dira.

## PILOTA

# Igandera atzeratu da Galarza eta Eugiren arteko finalerdia

ETBk zuzenean emango du eguerdiko 12etan lau t'erdiko partidua

**E**tzira arte atzeratu dute lau t'erdiko torneoko finalerdia. Galarza eta Eugi gaur jokatzekoak ziren Labriten, baina jakina denez Iruñeko Udaletxeak pilotalekua hartua zuen aurretiaz, afaria egiteko. Alfredo Jaime alkateak ez du afari hori lekuz aldatu edo atzeratzerik onartu, eta jaialdia atzeratu behar izan dute.

X.M. / DONOSTIA

Labriten jokatu dute Galarza eta Eugi lau t'erdiko finalerdia, baina gaur beharrean igandean erabakiko da Retegiren kontra titulua jokatu duenaren izena. Iruñeko alkateak ez bait du atzera egin, eta partidua atzeratzea izan da enpresari aurkitu duten irtenbide bakarra. Gaur gauean Anoetan jokatzeko aukera ere aipatu izan da, baina bi pilotariak dagoeneko Labriten prestatzen ari dira, eta ez zitzaizkion komuni finalerdia lekuz aldatzea.

Azken orduko gorabehera hauek zeresan handia izan badute ere, ez da gutxiagorako Agoitz eta Baraibarko bi pilotariak jokatu eskaini dezaketen. Eugi maila bikaina erakutsi bait du profesionalek estreinuaren, inork uste baino sendoago agertuz lau t'erdian. Agerian utzia zuen aurrelari onaren arrastoa, baina Labriten bertan erakustaldia eman zuen Errandonearen kontra. Galarzaren eritziz ordea, Berakoak oker jokatu zuen, «eskerraz beti, eta lau t'erdian partidua eskuinarekin apurtzen dira». Arretxeren kontrako kanporaketa jokatu gabe sailkatu da finaler-



Galarza irrikitan dago Eugiri irabazi eta finala jokatzeko.

CARLOS VILLAGRAN

✓ Galarzak bi partidu baino ez ditu galdu lau t'erdian, Retegiren kontra azken bi finaletan, eta Eugi arriskutsua dena onartu du.

dietara, Luzaidekoak hatzamarreko minez partidua bertan behera utzi behar izan zuelako. Eta ez da Galarzaren beldur: «Nik ezer gutxi dut galtzeko, eta beldurrik ez diot. Errespetoa bai, merezi adinakoa».

Galarzari buruz ezer gutxi esan daiteke honez gero. Baraibarkoak eskuratua du hainbeste amestu duen txapela frontoi osoan, eta lau t'erdian bi partidu besterik ez ditu galdu,

Julian Retegiren kontra azken bi finaletan. Gaztetan orduko 'izarrei' irabazi zien —Oreja III, Retegi I, Ladutxe...— eta argi asko erakutsi du distantzia horretan ezin hobe moldatzen dela. «Ikusiko dugu zertarako gauza den Eugi. Nik izenarekin bakarrik ez diot irabaziko. Etsai arriskutsua da, eta lanak emango dizkit; horretan inork ez dezala zalantzarik izan».

Partiduaren gakoa Eugiren jokoa egon daiteke. Norgiagok bizi eta berdinduan atzera egiten ez duela aski frogatua du, baina ikusteke dago Galarzaren kontra zer egiteko gai den. Baraibarkoak gainera finalera heltzeko gogo biziak ditu, ea hirugarrenean Retegiri txapela kentzen dion lau t'erdian.

✓ ETBk iazko finala eskainiko du gaur gaueko 10etan, Galarza eta Retegiren artekoa.

### Karteldegia

**Gaurko partidua**  
**ASTIGARRAGA. 19.30.** Unanue - Unsain / Arteaga - Salbidea. Pierola - Aldazabal I / Lazkano - Soroa.

**Biharko partidua**  
**LABRIT. 17.00.** Lau t'erdiko torneoko finalerdia: Galarza III / Eugi.

**MUTRIKU. 16.30.** Goñi - Urretabizkaia / Manzisidor - Zubizarreta. Gorostidi - Larrazabal / Alberdi - Luke.

**EZKURDI. 22.30.** Super Ases Torneo finala: Urizar II - Elordui / Mendi - Mandiola.



**OMENALDI** hunkigarria egin zitzaion Aulestiko pilotari ohiei asteazken arratsan. Ansotegiren ekimenez eta Aulestiko Udaletxe eta BBKren laguntzarekin Ubilla I, Ubilla II, Ubilla III, Kortabitarte, Korta eta Aboitz protagonista izan ziren, herritarren omenaldia jasotzean. «Ez genuen hainbeste merezi» leloa ibili zuten ahotan, arras hunkiturik. Pilota jaialdian Ansotegi-Salbidea bikoteak 18-15 irabazi zieten Arteaga eta Urrari. Ondoren Julian Retegi bikain aritu zen, Antton Maiz lagun, Bergara eta Zezeaga 22-15 menderatzeko.

## LABURREAN

## SEI ZAURITU Peñarol eta River Platen arteko partiduan

Sei pertsona zauritu ziren herenegun Montevideon bertako Peñarol eta River Plate talde argentinarraren arteko partiduan zaleen artean izan zen istiluen ondorioz. Ricardo Laborde izeneko Peñaroleko zaletu batek ebakuntza izan zuen partidua ostean, Argentinako zaletu batek pistola batekin sabelean zauritu ondoren. Beste bost pertsonak labankadaz zauritu zituzten eginak izan ziren.

## MARAGALLEK Joko bateratuak egiteko desioa agertu du

Pascual Maragall Barcelonako alkateak oso positibotzat jo du Hego Afrika Barcelona'92 Joko Olinpikoetan egotea, horrela joko bateratuak lortuko bait dira bere esanetan. Alemaniaren bateratzea, Cubanen partehartzea zurratzen eta Bake Konferentzian lot daitezkeen emaitza onak batzen baditugu, aspaldian arerio izan diren herriak batera izango dira lehenengoz Barcelonan, Maragallen ustez. «Barcelonako Jokoak munduko adiskidetasun adibidea izango da eta historiako partaidetzarik handiena izan dezakete».

## AYRTON SENNA Argentinan dago atsedean hartzen

Ayrton Senna brasildarra Buenos Airesen dago gaur Sao Paulon eskainiko zaion omenaldiaren aurretik atsedean hartzeko asmoz. Buenos Aireseko aireportura iritsi zenean eta kazetarien galderei erantzunez, Juan Manuel Fangio historian izan den F-1eko gidaririk onena dela esan zuen. Munduko txapelduna Buenos Aireseko Sheraton hotelean dago orain eta omenaldia bere hegazkin partikularrean joango da.

## WALTER ZENGA Italiako selekzioetik kanpo geratu da

Arrigo Sacchi, Italiako futbol selekzionatzaile berriak bere lehen deialditik kanpo utzi du Walter Zenga atezaina. Azken urteotan, Zenga titular izan da beti Italiako selekzioan eta orain arte inork ez du bere balioa zalantzan jarri. Inter-eko atezainaz gain, Sacchi deialditik kanpo utzi ditu Schillaci, Roberto Baggio, Giannini, Mancini eta Vierchowod bezalako jokalariek ezagunak.